

18. marts 2014

UPA 2014/125
Karl Lyberth

Uunga siunnersuut: Unammilleqatigiinneq pillugu Inatsisartut inatsisaat nr. xx, xx. 2014-imeersoq (unammilleqatigiinnermut inatsit). (Inuussutissarsiornermut Aatsitassanullu Naalakkersuisoq)

Siullermeerinninneq:

Unammilleqatigiinneq pillugu inatsisip nutarterneranut patsiserpiaq tassaavoq inatsimmik unioqqutitsilluni niuernikkut unammilleqatigiinnermik annikillisitsisumik isumaqatigiissuteqartarneq aamma nunatsinni takornartaajunnaarsimanera, soorlu sanaartormik ingerlatallit suliffeqarfissuit akornanni ingerlanneqarsimasoq nalunngikkipput. Kiisalu unammilleqatigiinnermut akornutaasumik pisortat suliffeqarfinnik pilersitsisinnaasarnerinut unammilleqatigiinnermut nakkutilliisoqarfiup ajornannginnerusumik akuliusinnaaneritut aqqu-tissiuussinissaq aamma uani siunertaalluni.

Inatsisissatut siunnersuut Siumumit tamakkiisumik taperserparput. Taamaakkaluartorli isumaqarpugut pissusissamisoortoq inatsisissap aappassaaniinnginnerani Inuussutisarsiornermut Ataatsimiititaliamut ingerlatinneqarpat qulaajagassaasinnaasut assigiinngitsut misissorneqarnissaat pillugu.

Periarfissaq manna iluatsillugu Siumumit oqaatigissavarput assut iluarisimaaratsigu aqut-siveqarfimmi Upernavimmi qaleralinnik nioqqutissiornermi unammillersinnaanerup eqqun-neqarnera. Qularinngilluinnarparput taavani unammillernerup eqqunneqarnerata kingune-risaanik minnerunngitsumik aalisartut atugarisaasa annertuumik pitsanngoriartinneqarnis-saat. Aamma taamatutaaq naatsorsuutigilluinnarparput aalisakkerivinni sulisut amerlane-rulissasut ilaqtariippassuarnut malunnaatilimmik iluaqutaasumik. Naggataatigullu sooru-nami aamma Qaasuitsup Kommunanut iluaqutaasumik.

Taamatut naatsumik oqaaseqareerluta naggataatigut Naalakkersuisunut kaammattuutigis-savarput misissorluaqqullugu nalilersorluarlugulu unammilleqatigiinneq pillugu inatsimmik unioqqutitsisunut pineqaatississutigineqartartut sakkukippallaannginnerusut, pingaartumik inatsimmik unioqqutitsilluni niuernikkut unammilleqatigiinnermik annikillisitsisumik isuma-qatigiissuteqartarnerit eqqarsaatigalugit.